




Sin il podest tar l'elita: Cornelia Valentin, Anna Laura Klucker e Corsin Derungs (da san.).

FOTOS G. N. STGIER



Dominanza sursilvana tar ils juniors: Chris Wolf, Chiara Weishaupt e Tino Coccia (da san.).

FOTO. C. WEISHAUP

# Tratg precis han cunzunt las dunnas

Tir: Campiunadi grischun arma 50 meters

DA GION NUTEGN STGIER / ANR

■ **Anna Laura Klucker tar l'elita, Chiara Weishaupt e Natasha Bischoff tar ils juniors e Peter Färber tar ils veterans. Quellas tiraduras e quel tiradur han decis il campiunadi grischun 2019.** Domat è stà il lieu nua che l'elita grischuna che sajetta cun l'arma a caliber pitschen è s'entupada per eruir ils campions grischuns da quest onn. Cun excepziun dals commembers e las commembras dal cader naziunal è l'elita chantunala stada da la partida a l'occurrer da la davosa fin d'emna. Sa mussà è lura che tratg è vegnì sin in fitg aut nivel cun resultats excellents. Gia per sa qualifitgar per il final èn buns resultats stads indispensabels.

**Clera victoria per Anna Laura Klucker** Tar la categoria elita en venter han en vair senn las dunnas gi en las chautschas. Fin

tar il 20. culp eran cun *Anna Laura Klucker* (Tumein), *Cornelia Valentin* (Cuira) e *Nadja Caviezel* (Camuns) a la testa da la rangaziun intermediara, avant *Corin Derungs* (Camuns).

In culp supplementar tranter Caviezel e Derungs ha lura decis a favur dal tiradur, uschia ch'el è restà vinavant en la concorrenza. Gudagnà il tir ha lura Klucker e quai cun il resultat da 244,9 puncts. A partir da l'emprim dals 24 culps finals ha ella persvas cun sajettar precis, cun ina calma e cun ina superiuradad. Sia pli ferma concurrenta, Cornelia Valentin, ha obtegnì plaz dus cun in total da 242,9 puncts. Cumpletà il podest ha anc Corsin Derungs.

Tar ils veterans è la victoira ida sco avant in onn a *Peter Färber* (Favugn). Sin il segund post sa chatta *Geli Casanova* (Vattiz) e terz è vegnì *Gion Paul Caminda* (Domat).

## Emprim titel per Chiara Weishaupt

Plain tensiun è lura stada la concorrenza da la categoria en venter tar ils juniors. Decis ha la fin finala il davos culp e quai a favur da *Chiara Weishaupt* (Degen). Grazia a ses 242,9 puncts è ella vegnida per l'emprima giada campionesa grischuna.

Tratg ha ella cun il davos culp 10,8 puncts, dentant che ses concurrent *Chris Wolf* (Trun) ha tratg in 9,4. Ses 242,5 puncts han però tanschi per daventar vicecampion grischun. *Tino Coccia* (Rueun), el è vegnì terz e fatg en tut 221,1 puncts.

En la categoria trais posiziuns è *Natasha Bischoff* (Mastrils) vegnida campionesa grischuna, avant *Jana Kessler* (Eigias-Landquart) e Chiara Weishaupt, ella ch'ha uschia gudagnà in'ulteriura medaglia tar quel campiunadi grischun.



Natasha Bischoff ha gudagnà il tir trais posiziuns tar ils juniors.

RTR Radiotelevision Svizra Rumantscha

SRG SSR

www.rtr.ch

al puls dal Grischun

## RADIO

### 14.03 NOSS CHORS (rep.)

#### Las vulpettas, part 5

En il Grischun datti bain inqual chor che ha var 100 onns. I dat dentant era blers chors ch'èn in bun toc pli giuvs. En la tschintgavla part da questa seria vulain nus tadlar insaquant da quests chors.



Ils Grischuns han ina lunga tradiziun da chant e musica. En questa seria vulain nus dar, ensem cun «Noss Chors», in sguard sin ils divers chors dal Grischun. Gia l'entschatta dal 19avel tschientaner han ins fundà ils emprims chors. En l'emissiun dad oz udin nus chanzuns da chors ch'èn vegnids fundads tranter l'onn 1974 ed il 1990.

Redacziun: Dominic Pohle

### 19.00 L'INSTRUMENTALA

#### Ensembles d'instruments da sturs



Ins po dir, che l'ensemble da brass è naschì l'onn 1951 cun il Philip Jones Brass Ensemble. Philip Jones ha fundà

questa grupp d'instrumentalists da sturs ed ha cumenzà ad arranschar musica dals differents geners per la furma d'ensemble. Quella nova scena è creschida e vegnida pli e pli vasta enfin il di dad oz. En «L'instrumentala» dad oz pudais Vus tadlar ina selezziun da las pli enconuscentas furmaziuns naziunalas ed internaziunalas. I spetga in'ura vasta ed interessanta, perquai che mintg'ensemble ha sviluppà ses agen stil e posseda in caracter unic.

Redacziun: Christa Soliva

### 20.03 MIA VITA – MIA MUSICA (rep.)

#### Mia vita – mia musica cun Jon Flurin Kienz

La materia lain è la segunda passiu da l'um da 32 onns. Perquai ha Jon Flurin Kienz era emprendi falegnam e betg musicist.



La musica stat dentant ferm a cor ad el. Ella gioga er ina gronda rolla en il mintgadi da «JFK», sco el vegn numnà en la societad da musica da Ramosch, nua ch'el ha la batgetta en maun.

Redacziun: Anna Caprez

## TELEVISION

### 8.00 CONTRASTS SIN SRF INFO (rep.)

#### Gieri il strolì



En scola media deva Gieri sin la gnerva a blers. Pli u main uschia al descrivan ses anteriurs collegas da scola e sport ed era ses scolasts. Il «strolì» Gieri Cathomas da Sumvitg ha dentant fatg carriera. El ha studegià medischna e gudogna oz ses raps cun la medischna da bellezza. Petra Rothmund ha accumpagnà el l'onn 2012 tar sia lavur a Moscau. Gieri Cathomas fa anc oz la medema lavur, pliras giadas l'onn va el en Russia a la tschertga da nova clientella per la Swiss Prevention Clinic SA.

(Ulteriuras repetiziuns a las 9.40 e las 12.20 sin SRF info)

### 17.45 SIL PUNCT SIN SRF 1

#### L'emissiun d'infurmaziun sin SRF 1 cun sottitels tudestgs sin TXT 777

(repetiziun sin SRF info tranter las 18.00 e las 22.00)

## RADIO RUMANTSCH

01.03 Sat R classica	11.15 Musica
03.00 SRF novitads	11.45 Total local
03.03 Grischun sonor	12.00 Novitads
04.00 SRF novitads	12.06 Actual da mezdi
04.03 Musica populara	12.15 Cumpact da mezdi
05.00 SRF novitads	12.30 SRF Rendez-vous
05.03 Musica populara	13.00 Las gratulaziuns
06.00 Novitads	14.00 Novitads
06.06 Actual la damaun	14.03 Rep. Noss Chors
06.30 Novitads	15.00 Novitads
06.40 Impuls dal di	15.03 Musica
06.50 Revista da medias/Meteo	16.00 Novitads
07.00 Novitads	16.03 Musica
07.06 Actual la damaun	17.00 Novitads
07.30 Novitads	17.06 Actual la saira
07.40 Kikeri6	17.30 Novitads
07.50 Revista da medias/Meteo	17.45 Top 3
08.00 Novitads	17.50 Sport
08.06 Actual la damaun	18.00 Novitads
08.30 Novitads	18.06 Cumpact – survista dal di
08.40 Il chavazzin dal di	18.15 SRF Echo der Zeit
09.00 Novitads	19.00 L'instrumentala
09.05 La coppina	20.00 Novitads
09.15 Chalender	20.03 Rep. Mia vita – mia musica
09.45 Tge chaussas	21.00 Novitads
10.00 Novitads	21.03 Musica
10.03 Musica	22.00 Novitads
10.30 Program da kino	22.03 Musica
10.55 Rep. Impuls dal di	23.00 Novitads
11.00 Novitads	23.03 Grischun sonor
11.03 Actualitad	23.55 Buna notg

**LA CLASSICA**  
DUMENGLIA A LAS 19:00

RTR Radiotelevision Svizra Rumantscha

**DI PER DI CUN VOSS RADIO RUMANTSCH**

Dapli sin rtr.ch

RTR Radiotelevision Svizra Rumantscha